

中國方志叢書·華中地方·第四八一號

據

清·王鳳生纂修，梁恭辰重校
道光四年修，光緒四年重刊本

影印

浙江省

浙西水利備考

(全)

成文出版社有限公司印行



10101955

中華民國七十二年三月臺一版

浙西水利備考 全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

浙西水利備考

浙西爲禹貢揚州之域厥田惟下下而財賦甲於天下者以興水利故周文英謂水田之美無過於浙右蓋其利在流而不盈盈則爲害要惟治之者得其道爾禹貢云三江旣入震澤底定三江者婁江淞江東江也震澤者太湖也浙西之水悉歸太湖由三江入於海迨東江故道旣湮後人於常熟縣之北開二十四浦導諸揚子江又於崑山縣之東開一十二浦分洩諸海尙恐淞婁二江不勝其翕受故廣闢支流以救東江湮塞之弊也有宋慶厯間築吳江挽運路自長橋建而太湖之流不

暢卽垂虹橋溷潮倒灌泥沙積久成淤於是乎吳中始有水

患厥後治水有功者以明夏原吉爲最卽如開范家浜以導黃浦之水入海雖一時多費帑金而數世猶利賴之正嘉以降歷久不治雖有廷臣建議而疏濬不得法董理不得人屢浚屢湮終無補救遂致淤澱之病日久愈深矣我

朝乾隆二十七年蘇撫莊公有恭奉

命興修經理得妥民實賴之距今又六十餘年太湖壅漲仰滿如盂下游淤塞中斷若哽宣洩之墟向恐二江猶

不足今則二江俱湮矣去秋江浙七郡被災較重職是
故也我

皇上憫斯民之墊溺不惜東南貢賦之虧蠲免賑濟不下千
萬有奇一之爲甚其可再乎若不大加浚治倘天時猶
不足恃將若之何雖曰經費不資然量其所入計其所
出孰爲多寡不辨可知此利害之彰明較著者也治之
之道籌於此時者如決二江以深通尾閘開各浦以助
滌潮沙挑長橋以暢駛下流闢南湖以分瀦殺勢濬西
湖以廣蓄節宣通漚港以閘板啟閉浚河道必深寬而

有容築圩岸務高厚而能禦是也期於經久者必賴專
管之重臣身親其課督日勤其省視復撩淺舊制以常
疏淪立界址碑石以杜佔侵撤魚鱗禁蘆圍以除障蔽
是也凡此興作前賢悉道其詳惟近今棚民開墾山場
多致浮土下瀉塞港填溪尤爲水利農田之大害然棚
民安土重遷驅之則不勝驅不驅則爲害日甚或令改
種茶果竹樹以堅其土並嚴切曉諭山主勿再租與後
來者庶免阻害水利是在賢有司善教之

鳳生

管蠡之

測何補蒼生然是役也溯源於天目竟委於吳淞卽途

次所見聞證前賢之論說不禁漫書成帙矣時值大府
北行匆匆反命爰屬吾鄉從事胡主簿德瑤繪圖志之
以俟采擇知之非艱行之維艱是有賴於名世者時在
道光四年清和月婺源王鳳生謹識

庚

三

凡例

一杭嘉湖三郡水道節節流通汊港支河更僕難數今只繪其幹流及支河之通鄰郡者以別要領而節冗煩俾覽者眉目一清

一各府縣方位皆南北向而杭州省城則東西向散圖之繪不得不各就形勢以爲準則亦其地然也且限於尺幅只期大旨無譌而不能無毫髮之憾姑存以籌諸暇日

一是編所採係明沈啓吳江水考張國維吳中水利全書

國朝金友理太湖備考江南浙江通志杭嘉湖三府松江府

各郡誌及各縣誌所載證以目前形勢節敘其要

一 是役奉令中丞黃梅 帥公方伯合肥 黃公前方伯南

海 吳公之檄從觀察元和 陳公後查自道光三年十

二月訖於四年三月是書之同訂者為杭州任太守 蘭佑

嘉興羅太守 尹孚 湖州方太守 士淦 三郡之隨勘者為石

門縣主簿沈 阜 試用主簿胡 德璐 署永康縣典史王 清照

嘉郡之隨勘者為候補理問費 源 署海鹽縣訓導褚 運鯤

湖郡之隨勘者為烏程縣主簿邵 錦章 長興縣主簿馮 孝

本 維時之宰邑者則仁和縣陸 玉書 錢塘縣呂 璜 海甯州

王壽榕臨安縣盧昆鑿餘杭縣董嘯嘉興縣王維堉秀水

縣徐起渭海鹽縣汪仲洋嘉善縣惲敷平湖縣胡述文石

門縣鄧廷彩桐鄉縣王鼎銘烏程縣楊德恒歸安縣馬伯

樂署長興縣鄧鳴謙德清縣武新安武康縣吳文蔚安吉

縣元膺祐孝豐縣周士哲也年月姓氏例得備書


原例

二

東南水利七

府一州總圖

東南水利總圖





東南水利總圖

東南水利總圖

東南水利七府一州總圖說

此圖係倣吳中水利全書原本略爲增益蓋繇浙西之水雖發源於杭湖而三江太湖係其尾閘俱隸江蘇境內非合二省統觀莫悉端委且浙西之流卽吳中之源兩治均利獨治徒費也故繪刻篇端以見首尾之相資云